

SARS E LEBELELA THEKNOLOTŠI YA GO THIBELA TŠHUTLHELO YA INTASTERI YA MOTSOKO YEO E SEGO MOLAONG

Pretoria, Labobedi, 30 Aprele 2019 – Ba Ditirelo tša Motšhelo tša Afrika Borwa (SARS) ba tšwelapele ka maano a mmalwa a go thibela go šutlhelwa ga ditlwaedi tšeo di sa dumelegego ebile di sego molaong ka go ekonomi yeo e sego molaong.

Ekonomi yeo e sego molaong ke enngwe ya diekonomi tša go sepetšwa ka go khukhuna, tšeo di sepetšwago ka ntle ga dipeelo tša melao le melawana ya naga, bomenetša bja go rerwa, gape e akaretša dithekišo tšeo di sego molaong ya ditšweletšwa.

Afrika Borwa e itemogela tahlegelo e kgolo ya letseno la Motšhelophahlogae ka lebaka la koketšo kakaretšo go ditšweletšwa, phepo ya dithoto le thekišo ya ditšweletšwa tšeo di sego molaong tša go tšhelelwa. Go šomana le tlhotlo ye, SARS e tšwelapele go fokotša ditiragalo tše di sego molaong le go se obamele ka mokgwa wa kaonafatšo ya pholisi, kaonafatšo ya ditshepetšo le tirišo ya theknolotši yeo e gatetšego pele go kgona go swaya ditšweletšwa, go tiišetša tikologo le go laola ketwane ka moka ya phepo ya thekišo.

SARS e lebeletše go tsebagatša theknolotši ya go lota le go latedišiša (track-and-trace) ka go intasteri ya motsoko, yeo e tla kgontšhago setheo go lebelediša leeto motsoko go tloga diplanteng tša ditšweletšo go fihla di rekišwa le/goba di bapatšwa ka tlišogae goba kišontle. Thekonolotši ye ya go tsenelela e letetšwe gore e tla kaonafatša tatedišo le taolo ya makgetho le metšhelo ka go intasteri ye kudu ka maatla.

Go phatlaladitšwe thendara ya taolelo ya Taolo ya Ditšweletšwa le tharollo ya Track-and-Trace bakeng sa metsoko go Wepaete ya SARS.

Yuniti ya Ikonomi yeo e sego Molaong yeo e tlhomilwego leswa ka SARS e thomile go sepetša ditiragalo mebileng tša go tiišetša phethagalo mafelong a setšhaba, mola e tšwelapele ka dinyakišišo tše mphsha le tša histori ka go selete sa Tiišetšo ya molao.

Bakeng sa dipotšišo: Ikgokaganye le sarsmedia@sars.gov.za goba Sandile Memela go 082 8003750.